



UNIVERSITÄTS-
BIBLIOTHEK
PADERBORN

Universitätsbibliothek Paderborn

Rosa In Hieme

Mertz, Martin

Antverpiæ, 1627

Capvt III. Promotio eius in Monasterium Roth.

urn:nbn:de:hbz:466:1-42750

30 VITA WILHELMI ROTHENSIS
precibus aliisque id generis celestibus exercitiis tempus terere, & animum impedere, laudabile duxit, suaue & iucundum expertus est. Quo nomine eum plurimum commendari & extolli audiui à Sororibus Memminganis & earum Prefecta, ad quas Innocens frequenter ventitabat, cum ijs de rebus sacris & celestibus, quibus auide inhiabat, ardentem & inflammato pectore collocutus; eaque de re maxime illis gratus fuit, ut qui feruore incensus, omnia earum pia exercitia, ad dies solemnes & festiuos cum magno fructu spiritus transigendos, supra ætatis illius fidem fortiter arriperet ac constanter retineret.

CAPVT III.

Promotio eius in Monasterium Roth.

SEDEBAT tunc ad clauum Abbatialem in hoc S. Verenæ Cœnobio Roth, magni vir nominis & laudis MARTINVS ERMAN, Sueuicæ Prouinciæ visitandæ non sine magno Ordinis decore & emolumento Præpositus: qui dilaceratam pænè Norbertinæ familiæ disciplinam, præcipue suo in Cœnobio, quantum temporis iniuria & hominum improbitas permittebant, forti animo omnia aggressus, resarcire omnimodo

modo & via conatus: & sanè satis multum effecit, posterisque ad maiora præstanda viam complanando strauit, occasionemq; exoptatam præbuit; rem daturus ipse effectam longè præstantiorem, nisi & doctorum hominum raritas, & potentioris manus auxiliatricis ob bellicos tumultus inopia, felicem eius cursum inhibuissent. Cùm igitur Sacerdos ille, in cuius conuictu puerum viuere indicauimus, eum non sæculo, sed Deo & diuinis natum aptumque, ex quotidiano illius viuendi modo & progressu coniecturam faciens, liquidò perspiceret; suarum partium esse ratus, ne VVILHELMO deesset, de commoda ei statione prouidere, vbi cœptam vitæ inculpatæ militiam continuare & perficere laudabiliter posset. Occurrit inter alias laudabilis Rothensis Congregatio, Præfulis antedicti curâ & operâ singulari religiosè effulgere incipiens: apud eum igitur quia amicitia & familiaritate multum valebat, precibus & supplici intercessione, Deo interim disponente & successum fortunante, rem eò deduxit, vt communibus votis ac calculis puer pius & ante tempus maturus in Monasterij scholam ac Conuentum susciperetur.